

KEMERDEKAAN MANUSIA

Lebih lanjut al-Faḍil Kiyai ‘Abdul Raḥman menghuraikan soal hamba abdi dan kemerdekaan manusia.

Bahagian yang kedua ini ialah penutup siaran Qalam bilangan yang lalu.

II

Di dalam kitab “*al-Nadā*”, diterangkan bahawa kemaslahatan “*istarqāq*” (menjadikan mereka hamba abdi), atau dengan lain perkataan, menjalankan undang-undang perhambaan kepada mereka itu, akan menjadi lebih baik dan utama daripada membebaskan mereka sebagai anugerah atau tebusan, ialah dalam peristiwa yang jarang sekali terjadi dan tidak selamanya ada, iaitu apabila pihak yang memerangi Islam itu sedikit jumlahnya, dan semua lelakinya turut berperang, atau kebanyakannya maka apabila dibiarkan isteri-isteri dan anak-anak kecil tidak ada yang mengurus, maka mereka tidak dapat berdiri sendiri dalam mencari penghidupan, maka peristiwa yang seperti itu adalah baik kalau mereka dipelihara oleh yang menang, dan mereka mengurus segala keperluannya.

Jelasnya bahawa hal ini adalah sebagai satu ubat yang tidak boleh dimakan pada sebarang waktu kecuali dengan nasihat doktor, yakni khalifah dan permesyuaratan, dengan berdasarkan kemaslahatan Islam, bukan sekali-kali kepuasan nafsu.

Berdasarkan keterangan-keterangan yang tersebut itu, dapat kita mengatakan bahawa yang dinamakan hamba sahaya itu ialah tawanan perang “*fī sabīllāh*”, bila menurut pendapat khalifah dan permesyuaratan, tidak ada kemaslahatan bagi kemajuan Islam bila tawanan itu dibebaskan, dibebaskan selaku anugerah, dan tidak pula menjadi kemaslahatan bila dibebaskan dengan memakai jalan tebusan atau pertukaran tawanan; dan cara pemeliharaannya secara sebagaimana yang digambarkan tadi dalam riwayat “Abū Dhar”.

Adapun perhambaan yang luar daripada yang tersebut itu maka hukumnya haram, di dalam hadis qadmī, Allah berfirman:

“Tiga orang aku jadi musuhnya pada hari kiamat, dan barangsiapa yang aku jadi musuhnya, maka aku memusuhi dia-iaitu seorang lelaki yang menjanjikan atau memberi jaminan keamanan, lalu ia langgar janjinya, dan seorang lelaki yang menjual seorang yang merdeka kemudian ia makan wangnya, dan seorang lelaki yang mengupahkan sesuatu pekerjaan kepada tukang (atau kuli). Maka ia selesaikan pekerjaannya, dan ia tidak mahu membayar upahnya.”-al-Bukhārī.

Dalam lain hadis yang diriwayatkan oleh Abū Dāwud dan Ibnu Mājah, diterangkan bahawa Allah tidak menerima dengan penerimaan yang sempurna sembahyang orang yang memperhambakan seorang merdeka.

Saidina ‘Umar pula pernah menyuruh kepada Amru Ibnu al-‘Āṣ tatkala ia menerima sura pengaduan dari seorang qabītī: “Sudah berapa lamakah kamu memperhambakan manusia? Sedangkan mereka sudah dilahirkan oleh ibunya dalam keadaan merdeka.”

Ini semuanya menerangkan bahawa perhambaan itu sudah hapus dan tidak ada lagi, Islam datang kerana memerdekaan mereka dan Islam menutup adanya perhambaan.

Pintu Kebebasan Terbuka Dengan Luas

Dengan berdasarkan kaedah sabda Rasulullah (SAW): “Tidak bileh memudaratkan, dan tidak boleh satu sama lain saling memudaratkan” - al-Bayhaqī

Maka Islam membukakan pintu bagi membebaskan hamba sahaya daripada perhambaannya, bebas daripada undang-undang “hamba

sahaya” dan berlaku kepadanya undang-undang yang umum selaku orang yang merdeka, dengan jalan dan cara yang tidak memudarangkan dan merugikan orang yang mempunyainya, dan tidak pula menyusahkan hamba sahaya; mereka mesti dipelihara selama jadi hamba sahaya dengan cara yang baik selaku saudara, dan ia dibebaskan atau dimerdekakan dengan cara yang baik pula, tidak seperti buruh yang dipecah dari pekerjaannya, masuk dalam jurang pengangguran, dan tertutup mata pencarian yang baru.

Menebus Diri Sendiri

Tuhan menerangkan dalam firman-Nya: “Dan hamba sahaya yang bermaksud hendak menebus dirinya sendiri, maka hendaklah kamu meluluskannya, bila kamu ketahui bahawa pada mereka itu ada kebaikan, dan bantulah mereka (bagi menebus dirinya) dari harta Allah yang telah diberikan kepada kamu.”

Kalau ada seorang hamba sahaya, lelaki atau perempuan, bermaksud hendak berusaha mencari wang, bagi menebus dirinya) dan kamu tahu bahawa dia mempunyai kecekapan bagi berusaha, atau mempunyai tenaga bagi berikhtiar dan tidak akan terlantar maka wajib permintaannya itu diluluskan, diberi izin bagi berusaha selaku percubaan hidup dalam keadaan merdeka. Bukan hanya memberi izin sahaja, tetapi wajib diberi pertolongan meringankan bebananya itu, umpamanya dikatakan bahawa jumlah wang yang mesti dibayar sebagai tebusan itu dipotong setengah atau seperempat daripadanya; dan kalau terjadi tuannya tidak meluluskan kemahuannya itu ia berhak mengadap kepada pemerintah mengadukan halnya.

Ibnu Jarīj pernah bertanya kepada ‘Aṭā’: “Wajibkah kepada aku meluluskan permintaan hamba sahaya yang hendak menebus dirinya, kalau aku lihat dia berharta?” ‘Aṭā’ menjawab: “Aku tidak memandang selain daripada wajib hukumnya”/

Tatkala “sirinya” minta supaya ia diizinkan menebus dirinya dan tuannya tidak meluluskan permintaan, maka ia

mengadap ‘Umar; ‘Umar memanggil tuannya dan diperintahkan supaya meluluskan permintaan, tetapi orang itu tidak mahu meluluskan, lalu dipukul oleh ‘Umar, sambil membaca ayat Quran yang diterangkan di atas. Setelah itu orang itu pun meluluskan permintaan hamba tadi.

Dalam riwayat tersebut, nyatalah bahawa pemerintah Islam menggunakan kekuasaannya supaya hamba itu diberi jalan bagi menebus dirinya sendiri.

Tidak Ada Setengah Merdeka

Seorang hamba dimiliki oleh beberapa orang kalau salah seorang dari antara mereka memerdekaan bahagiannya maka hamba itu tidak bererti jadi setengah merdeka tetapi mesti disempurnakan kemerdekaannya pemerintah mesti memerintahkan supaya pemilik yang berwang memberi wang kepada rakannya (kongsinya) sebagai tebusan supaya hamba itu jadi merdeka seratus peratus atau disuruh hamba itu mencari wang bagi menyempurnakan tebusan dirinya atau disuruh bekerja kepada rakannya (kongsinya) dengan upah dan wang itu menebus kemerdekaannya yang separuh lagi dan dengan itu akan bebaslah ia.

Yang Masuk Negeri Islam

Hamba sahaya yang keluar dari negeri yang bukan Islam ke negeri Islam, maka pemerintah Dār al-Islām wajib memandang dia itu adalah orang yang merdeka tidak boleh dijalankan atasnya undang-undang hamba sahaya sebab keabdiannya sudah batal.

Bila Dianiyaya, Merdekalah Ia

Hamba sahaya yang dianiyaya oleh tuannya, berhak ia mengadu kepada pemerintah dan pemerintah membatalkan keabdiannya. Ia menjadi merdeka sebagaimana keputusan yang telah diambil oleh Rasulullah (SAW) terhadap hamba sahaya kepunyaan Zamba’, disebabkan orang itu memotong hidungnya.

Dalam hadis yang umum, Rasulullah (SAW) terangkan: “Bahawa barang siapa yang menganiayai hambanya maka (dengan sendirinya) ia memerdeka kannya”- *Jama’ al-Uṣūl*.

Dalam hadis yang lain pula diterangkan: “Bahawa menyakiti hamba dengan tamparan atau pukulan, maka tiada lagi keparahnya kecuali memerdeka kannya.”

Dalam masa seorang sedang memukul hambanya, tiba-tiba terpandang Rasulullah melihat perbuatannya, orang itu pun berkata: “Ya Rasulullah, dia (hamba itu) merdeka kerana Allah.”

Lalu dijawab oleh baginda: “Kalau kamu tidak lakukan yang demikian, nescaya nerakah balasanmu.”

Mudabbir

Orang yang mengatakan bahawa hambanya itu akan dimerdeka bila ia mati (*mudabbir*), maka hamba itu tetap mesti merdeka, kata-kata itu tidak boleh ditarik balik.

Jarih yang dipelihara, dan diperlindungi secara isteri sendiri, dan ia telah melahirkan anak maka dengan sendirinya ia jadi merdeka.

Kalau seorang memiliki seorang hamba, sedang hambanya itu kebetulan saudaranya, anaknya atau bapanya, maka dengan sendirinya ia jadi merdeka.

Selain daripada pembebasan dan kemerdekaan yang dibantu oleh kekuasaan pemerintah, ada lagi jalan untuk memerdekaan mereka itu dengan kifarah yang berhubungan dengan kerana ada satu hal yang dilanggar.

Orang yang berharta cukup bagi memerdekaan hamba, atau ia memiliki hamba sahaja, wajib ia memerdekaan seorang hamba sebagai kifarah, apabila ia membunuh orang dengan tidak sengaja, atau ia rosakkan puasa dengan jimak dengan sengaja.

Orang itu yang bersumpah, dan ia hendak menggugurkan

sumpahnya itu, maka bolehlah ia melakukan salah satu kifarah dari antara yang tersebut di bawah ini, iaitu:

Memberi makan kepada 10 orang miskin, atau memberi pakaian kepada 10 orang miskin, atau memerdekaan seorang hamba.

Dan ketiganya, sunat memerdekaan hamba untuk kifarah dosa-dosa yang tidak tertentu.

Yang akhir sekali ialah memerdekaan hamba, tidak berhubung dengan kifarah atau sesuatu urusan, tetapi semata-mata hendak berbakti atau membela mereka yang ada dalam perhambaan.

Sebagai bukti bahawa Islam datang bukan hendak membuka pasar hamba, tetapi datang kerana mengangkat darjat mereka, kita dapat melihat hamba-hamba itu beralih menjadi pemimpin-pemimpin, dan alim ulama Islam dalam permulaan kurun yang pertama; maka selain daripada yang termasyhur seperti Bilāl, Ziyad, ‘Ibādat bin Ṣāmat, ternyata mereka itu bukannya diberi pekerjaan yang berat-berat, tetapi dididik lahir dan batinnya, buktinya ternyata setelah dibebaskan oleh tuannya itu seperti orang yang baharu lepas dari sekolah tinggi daripada mereka ada yang jadi mufti atau ulama yang dihormati oleh umat Islam. Antara ulama-ulama besar pada waktu asal mulanya tak lain seorang hamba sahaja ialah:

Nafa’ murid ‘Abdullāh bin ‘Umar (tuannya).

Al-A‘raj murid Abū Hurayrah.

Mujāhid bin Jabīr murid Aisyah dan murid Abu Hurairah.

‘Akramah murid Ibnu Abbās dan juga murid ‘Aishah dan Abū Hurayrah.

‘Aṭā’ bin Abī Rabāḥ murid ‘Aishah, Abū Hurayrah dan Ibnu ‘Abbās.

Anas bin Mālik bekas khadam Rasulullah (SAW).

(sambungannya pada muka 38)

yang mendayu kerana asyik cintanya, dan gaya-gaya ahli kitab (Yahudi, Nasrani). Akan datang kelak kemudian daripada aku; golongan yang melagu-lagukan Quran berulang-ulang sehingga rosak bacaan seperti lagu orang menyanyi atau meratap. Bacaan itu tidak sampai halqum mereka (yakni tidak difaham dan tidak diamalkan). Hati mereka tergoda demikian juga orang yang mendengarnya dan tertarik kepada qari-qari yang melagu-lagukan al-Quran itu.”

Demikianlah al-Quran diturunkan bukan kerana dijadikan berkat atau dilagu-lagukan di radio atau di majlis-majlis keramaian bahkan kerana menjadi pertunjuk dan diamalkan kerana beramal dengannya itulah sahaja yang menjadi punca kemajuan Islam dan umat Islam.

(sambungan daripada muka 36)

Muhammad bin Sīrīn murid Anas, Abū Hurairah dan Ibnu ‘Abbās dan banyak lagi.

Semuanya itu menunjukkan bahawa umat Islam memelihara hamba sahaya itu semata-mata rahmat bukan dasarnya nafsu atau kemewahan, dan begitulah lukisan dan gambaran hamba sahaya dalam Islam bila kita melihat Wuran dan hadis yang dibuktikan oleh tarikh serta contoh dari Nabi dan sahabat-sahabat. Sungguh jauh berlainan dengan gambaran hamba sahaya dalam Islam yang biasa kita dengar atau baca dalam cerita atau wayang gambar dan yang terbaca dalam majalah-majalah Barat.

Pengarang kitab “*al-Mithal al-Kamil*” menerangkan bahawa tidak mencemarkan (kesucian Islam) apa yang disaksikan dikebanyaknya negeri-negeri orang Islam, adanya kejadian seperti mlarikan orang hitam, dan menjual mereka, dan menjadikan mereka hamba sahaya.

Perbuatan orang-orang yang jahil tidak patut jadi hujah bagi menyalahkan agama.

UBAT JENIS BAHARU DAN GANJIL

Berbeza dari ubat-ubat yang lain-lain dan tidak merbahaya.

1). Ubat telinga (EARO)

3/50 pos bersih.

Baik penyakit baharu atau lama, nanah cepat berhenti.

2). Ubat batuk teruk (COUGO)

\$3/50 pos bersih.

Khas kepada batuk-batuk lama dan sangat mujarab.

3). Ubat buasir (PILGO)

6/50 pos bersih. Dalam 24 jam mulai semuh, beransur kecut dan ajaib langsung.

Perempuan hamil pun boleh memakannya.

4). Ubat gila babi (FITSGO)

6/50 pos bersih.

Sekarang ada ubatnya. Penyakit tak balik lagi.

Juga ubat ini menerangkan otak.

5) Ubat penjarang

Untuk pakai diluar bagi setahun-/4 (b) untuk dimakan tak hamil lagi, sebotol sahaja, badan diberi sihat-17/pos bersih.

6) Ubat penerang mata (NERVO)

7/50 pos bersih.

Ganjil dari lain-lain tonik. Lekas menerangkan mata dan otak. Selalu pelupa dan pitam, cepat baiknya.

7) Ada banyak lagi ubat-ubat jenis baharu

dari England

Untuk:- lelah, resdung, tipuk, darah tinggi, badan sembab-sembab, leher beguk. angin pasang-pasang, dan lain-lain lagi. Orang-orang yang putus harap dari ubat-ubat yang lain silalah beritahu dengan terang bersama 10 sen setem. Pesanlah dari: Mohd. Amir bin H.M. Khatib, (as Representative of), Woh Kee Medical Hall, 124, Ipoh Road, Kuala Lumpur.